Dissertatio medica inauguralis in anginae malignae aetiologiam eique convenientem medendi methodum inquirens ... / pro gradu doctoris in medicina et chirurgia obtinendo publice defendet die III. martii MDCCLXXXXII Christianus Wilhelmus Dangers.

Contributors

Dangers, Christian Wilhelm. Universität Göttingen.

Publication/Creation

Goettingae : In Officina Barmeieriana, [1792]

Persistent URL

https://wellcomecollection.org/works/tvbwddkt

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection 183 Euston Road London NW1 2BE UK T +44 (0)20 7611 8722 E library@wellcomecollection.org https://wellcomecollection.org I N

ANGINAE MALIGNAE

A E T I O L O G I A M
EIQVE CONVENIENTEM MEDENDI
METHODVM INQVIRENS

QVAM

ILLUSTRIS MEDICORUM ORDINIS
CONSENSU ET AUCTORITATE

IN

ACADEMIA GEORGIA AVGVSTA

PRO

GRADY DOCTORIS

IN

MEDICINA ET CHIRVRGIA
OBTINENDO

PVBLICE DEFENDET

DIE III. MARTII CIOIOCCLXXXXII

CHRISTIANUS WILHELMUS DANGERS

HASSO - SCHAVMBVRGENSIS

GOETTINGAE IN OFFICINA BARMEIERIANA. (MILLIAME A) AFELLS -

PATRVO PIE COLENDO

CHRISTIANO DANGERS

HASCE STVDIORVM PRIMITIAS

SACRAS ESSE VOLVIT

AVCTOR.

Digitized by the Internet Archive in 2019 with funding from Wellcome Library

PROOEMIVM.

Angina maligna mihi ob insignem stragem qua, vbicumque caput extulit, saeuiit; ob obscuri et inexplicabilis quid in eius decursu iam primo intuitu conspicuum; ob summam denique tot tantique nominis virorum attentionem qua semper digna visa est: iam dudum prae multis aliis morbis notabilis fuit. Lubentissime itaque confilium praeceptoris de me meritissimi milique ad cineres vsque fumma pietate colendi, STROMEIERI, secutus, eam, vt ritibus academicis satisfaciam, nunc tractandam elegi.

Noueritne HIPPOCRATES, noueritne Asclepiades morbum, an non? Viderintne Arevaevs atque

AE-

AETIVS anginam malignam, an, vt aliis videtur, aphthas aut scorbutum? aliorum diiudicationi praeripere nec volui; nam quid in me est, qualecunque sit, vtile malui esse quam dottrina vtilis vt solet experte se iactare: nec potui; nam veterum scriptorum inopia temporisque angustia arctam valde mihi prouinciam crediderunt.

Tiro scripsi. Tironem iudicet lector, qui non, veterani instar, propria experientia, sed aliorum tantum observatis, probabilique analogia sussulta proferre potuerit.

Haec volui praemonere.

DISSERTATIO

DE

ANGINA MALIGNA

Vt ceteri alia certa alia incerta esse dicunt, sic ego ab his dissentiens alia probabilia, contra alia dico. Quid est igitur, quod me impediat, ea quae mihi probabilia videantur, sequi; quae contra, improbare: atque assirmandi arrogantiam vitantem, sugere temeritatem quae a sapientia dissidet plurimum?

CICERO de offic. lib. II. cap. 2.

Morbus quid fit?

Secundum omnium observatorum theoriam et auctorum systematicorum definitionëm Angina maligna est: affectus faucium inflammatorius, vicerosus, gangraenosus, contagio propagandus; cum febre putrida, quam plerumque superuenit eruptio cutanea scarlatinosa, mere symptomatica, etsi nonnullis aliquot symptomata, quibus primus morbi insultus stipari solet, subleuare visa sit.

. S. II.

Morbi decursus.

Non omnes eodem modo afficit. Sunt quos de instante périculo, dubiis quidem, praenuntiis generose praemonet inimicus: funt quibus perfide inopinatas infidias parat. Sunt quos armis facile propellendis

laces-

lacessit: sunt quos vinci nesciis debellat. Sunt denique quos primo congressu propria necat manu: funt quos per longam malorum seriem vana cum spe deductos sera atque aliena mulctat morte. Longum foret, nec confilio congruum, omnes hic istos varios recensere modos, quibus non solum pro vario variarum epidemiarum genio, fed in eadem etiam epidemia pro eorum, quos afficit, aetatis, sexus, corporis constitutionis etc. varietate, ludere visus est: petant, quorum interest, ex numerosis sane, qui de nostro morbo egerunt, observatoribus. Mihi, qui in eo delineando ea tantum respicere constitui, vnde eius aetiologia indicationesque curatiuae illucescere posfunt, neminem vitio versurum esse pro certo habeo, se symptomata aduentitia leuesque varietates, a meo proposito alienas, omissas reperierit.

S. III.

Febris quae ipsum anginosum affectum anteire aut saltem cum eo contingere solet, varia intensione instat, versus noctem vehe-

menter exacerbatur, mane praegresso breui et inquieto fomno vel alleuante sudore pau. lulum remittit: cutis calet: pulsus vel rarus vel frequens, vel durus vel mollis, semper debilis et tremulus est: vrgent animi inconsueta abiectio, virium exhaustio summa, angor et inquies: dolet caput et dorsum, dolent crura: facies tumet: rubent et lacrymant oculi: opprimuntur pectus et praecordia, vnde respiratio difficilis, saepe suspiriosa: lingua humida, in apice plerumque pura, versus radicem autem slauis vel castanei coloris sordibus foeda est: vrget nausea, plerumque et vomitus aut, quod in infantibus solet, diarrhoea: vrina tenuis, pallida et cruda: languis forte missus laete ruber in coagulum laxum, pituitosum et serum copiosum flauique coloris discedit: faepe iam in initio, imprimis per noctem deliria: haemorrhagiae narium haud inconfuetae.

S. IV.

Vna cum febre aut saltem breui post et ipsa angina apparet. Tonsillae, uvula, palapalatum, pharynx etc. rubedine florida, splendente obducuntur et tument; vnde faucium dolor, raucitas, deglutitionis et respirationis difficultas, aliqua tussis, colli dolens immobilitas et quasi laqueo constricti sensus. Tument et glandulae maxillares, buccales, linguales atque parotides, adeo haud raro vt suffocationem minentur. Inflammationem affectarum partium mox exulceratio excipit: hinc illinc disperfas vides maculas albas aut cinerei coloris, quae cito numero crefcunt, in vnum confluunt et vlcera formant plerumque superficialia, sed interdum quoque subiacentes partes satis alte depascentia.

§. V.

Anginam presso gradu insequitur efflorescentia scarlatina, modo in singulis tantum corporis partibus conspicua, modo
totum corpus aequali rubore obducens;
haud raro miliari alba vel purpura eruptione variegata; nil, quod ad sebrem saltem attinet, emendans.

Haecce tria, quae morbum constituunt, phaenomena secundo et tertio die vehementer et quouis momento increscunt. Pergit vomitus aut alui infignis laxitas: vrina turbida quasi bile tincta est: pergunt narium haemorrhagiae: obueniunt menses praecoces et saepe periculum minitantur: increscit vertigo, dolor et grauitas capitis: continuat inquies, anxietas, fomnique nes. cia sollicitudo: plurimi diu noctuque phrenitico more delirant: nonnulli stupidi iacent, stertunt, sibi obmurmurant ipsi, vel alto sopore submersi iuter vitam mortemque medium tenent.

Vlcera omnes oris interni partes exedentia gangraenosa crusta obducuntur, obscuriorem colorem induunt liuidumque viciniae impertiunt: hinc deglutitionis et respirationis difficultas horrendum in modum furgit; vocis raucitas atque obtufio adeo vt intelligi nequeat increscit; magna foetentis, purulenti muci, nonnunquam fauguisanguine tincti copia exscreatur; foetidissimus et cadauerosus spiritus odor aegrum aeque ac circumstantes molestat. Inflammationem et excoriationem participant et nares internae, vnde sternutatio frequens et stillicidium saniei soetidae, discoloris, fanguine commixtae, acerrimae, omnes quas tangit partes fauciantis. Hanc fi deglutierint aegri, aut inspirando in tracheam pulmonesque detulerint, en largum variorum et grauium morborum secundariorum fomitem, inflammationis et excoriationis intestinorum cum torminibus et diarrhoeis dysentericis, tussis chronicae, peripneumoniae et phthiseos, interdum post plures hebdomades imo menses demum lethalium.

, S. VII.

Hisce symptomatibus stipatus morbus plerumque ad sextum diem, interdum autem ad duodecimum et vltra increscens pergit; ni forsan iam primis nychthemeris materia morbi ad pulmones, siue ad cerebrum delata, peripneumonico vel apople-

ctico modo, vel denique sub conuulsionibus aegrum abstulerit. Crises nunc, sine quibus nulla salus, per sudores plerumque siunt, aut per vrinas, sedimentum surfuraceum demittentes; quibus larga facilisque expectoratio et cuticulae desquammatio succedit. His perfecte absolutis febris remittit, pulsus rarior et mollior sit, crustae gangraenosae decidunt, vlcera purisicantur et consolidantur, glandularum succidit tumor (nisi forte parotis suppuret), somnus et appetitus redeunt, et breui pristina restituitur sanitas.

Sed rarus est laetus hic rerum exitus: saepissime nulla superuenit crisis, sed cutis continuat siccitas, vrinae pallor, exanthema modo retrocedit modo redit, in liuidum colorem vergit, petechiis variegatum est, et omnibus aliis symptomatibus magis magisque increscentibus accedit denique extremorum frigus, oculorum tristitia, alui involuntaria euacuatio et inter spasmos varii generis mors ostia pulsat: nisi sorte larga A 4 aliqua

aliqua narium haemorrhagia subito necet, vel leucophlegmatia superueniat, vel retenta morbifica acrimonia hecticam febrem, aut chronicus denique quidam pulmonum et intestinorum affectus, diuturnam pedissequam habeat tabem.

6. VIII.

Epidemice morbus grassatur, infantibus praesertim tenerioribus infestus, quorum puellas saepius et grauius quam pueros assiligit. Adultis plerumque parcit, vel saltem seminas tantum debiliores aut mares delicatulae constitutionis, labesactae valetudinis, morbis debilitantibus exhaustos, attamen rarius hosce et mitius assicit. Per integros quidem annos hinc inde caput effert; attamen autumnales menses, calidas, que et humidas tempestates prae aliis amati

S. IX.

Caufae.

Proxima morbi causa, vt de quo onmes consentiunt, humorum corruptio putrida

putrida est. Occasionalis contagium: nunquam singuli afficiuntur, raro vni omnium qui familiam, in quam pedem tulit, constituunt, parcitur. Spiritus imprimis miasma communicare videtur, et inde, si sese exposuerint, adulti robusti quoque infici queunt. Ad morbum praedisponunt: 1) aetas infantilis; 2) sexus sequior; 3) sibra laxa; 4) omnia quae fibram laxant: imprimis nimiae euacuationes, haemorrhagiae, menstrua nimia, lactationes frequentes, diu protractae; omnes qui vires infringunt morbi; animi tristia pathemata; habitatio locorum humilium, humidorum, paludoforum; clima humidum; mala tempestas, malos praebens fructus, malas messes; pravus victus etc. Hinc pauperibus infentior quam ditioribus morbus. (IOHNSTONE Samml. von Abhandl. für praktische Aerzte. Bd. V. p. 375.).

§. X.

Prognofis.

Nonnullis quidem satis mitis morbus est, adeo vt sine vllo artis adiutu, imo sub mala arte, solius naturae viribus suffocetur, (Fothergill sämmtliche Schriften. Bd. I. p. 300. 315.): in genere autem periiculosissimus est, saepissime lethalis; adeo vt MARTEAV (Description des maux de gorge, introduct. p, XX.) in paruo quodam pago quadraginta tantum domos numerante, per vnum hyemem quadraginta et duos infantes eodem e medio fublatos viderit; vt CVELENIVS (Aufangsgrände der praktischen Arzneik. Bd. 2. p. 103). hoc morbo detentos plerumque mori affirmet. Caeterum contagii in corpus delati varia quantitas, varia acrimonia, variaue natura ad morbum magis vel minus periculosum efficiendum (vt Fothergillivs 1. c. p. 316. suspicatur) nil videntur posse: quo pluribus quis et grauioribus causis praedispositus est, eo periculosius decumbet.

Hisce generalioribus specialia adhuc quaedam prognostica addenda sunt:

Eruptio larga, cito et facile propullulans plerumque bona; retrograda autem, in liuidum colorem vergens, et petechiis variegata, pessima.

Vomitus et diarrhoea post exanthematis eruptionem perseuerantes, mali ominis.

Haemorrhagia narium in morbi progressu saepe lethalis.

Oculi tristes, emortui, mortem instare indicant.

Quo magis vlcera fauces exedentia in atrum colorem vergunt, eo magis periculi.

Effluxus saniosus e naribus subito suppressus, saepe lethalis. (HVXHAM opera Tom. 3. p. 103.

S. XI.

Medela.

Medendi methodus huic de morbo theoriae superstructa non potest quin onnes euacuationes, tam Venaesectionem quam

emeticorum et purgantium vsum, prorsus proscribat vel saltem arctis limitibus circumdet: tanquam vera autem et vnica morbi remedia alexipharmaca cardiaca, vt Crocum, Myrrham, Camphoram, confectionem cardiacam Raleigh., Vinum, puluerem Contraieruae et e chelis cancrorum compositum: et antiseptica potentissima, vt Corticem peruuianum et minerale acidum, commendet. Totius itaque ant-anginosae medicinae cardo in eo vertitur, vt alexhipharmacis cardiacis et diaphoreticis materia morbi e corpore eliminetur ac fymptomata maxime vrgentia, diarrhoea nempe et virium summa prostratio subleuentur, (Fo-THERGILL 1. c. p. 305. sq.): et denique vt antisepticis, quam cum humoribus contagium communicauit, putredo corrigatur.

Quaenam autem ex antisepticorum tribu prae aliis eligenda sint, est de quo non omnes consentiant: eiusdem saepe remedii apud alios laus, apud alios vituperium. Sic Corticem herculeum remedium

dium vocant Iohnstone (1. c. p. 404). Don. Monro (Samml. v. Abhandl. f. pr. Aerzte. Bd. V. p. 199.). LEVISON (Beschreibung der epidem. Braine p. 13). Con-NELL (v. MARTEAV 1. c. p. 122.) et alii: quem Fothergillivs nunquam cum successu propinasse a Levisone (l. c. p. 37.) scribitur, aut saltem, vti ex praefamine, quod vltimae sui de angina putrida libri editioni praefixit, liquet, sero demum cum aliqua euphoria adhibuit: quem MARTEAV (1. c. p. 100. sqq.). prorsus fere ex anginosa medicina relegat. Sic Camphora omnibus aliis palmam praeripere CHOME-110 (disertation sur le mal de gorge gangren. p. 86) et MARTEAVIO (1. c. p. 104. sqq.) dicitur, cuius alii vix ac ne vix quidem meminerunt. Simili modo de vesicatoriis, de vino, de contraieruae composito puluere et aliis disceptatur.

Sed et topici faucium affectus respiciuntur. Applicantur iniectiones et gargarismata ex antisepticis varii nominis et irridam, ad vlcera purificanda et consolidanda.

S. XII.

Pauci sunt qui ab hac agendi norma discedunt: et horum Chomelium et Gran-TIVM nominasse sufficiet. ILLE putridam quidem morbi naturam ex eius caussis et phaenomenis arguendo satagit (p. 56. sq.). ideoque medelam putredinem coërcentem viresque sustinentem adhibendam esse, recte censet (p. 72.): sed hisce indicationibus miro modo Venaesectione potissimum eaque saepe repetita satisfacere conatur. GRAN-TIVS (Beobachtungen über die Fieber p. 510 sq.) de omnibus malignis morbis haec statuit: Morbi malignitas in eo est, quod eius materia coctionem non admittit, i. e. naturae viribus neque corrigenda neque mutanda sub ipsi propria specie e corpore eliminari debet: quod humores sibi assimilat, omnibus, quae ex humorum penu secedunt, sese communicat, ideoque vi contagiofa

Quare

giosa pollet. Quiuis autem malignus morbus miasmate specifico producitur, cuius effectus in corporibus in quae delatum est, semper iidem erunt nisi naturae impedimenta obstent, vnde eiusdem morbi decursus in diuersis corporibus prorsus a se diversus esse et igitur quoque prorsus diuersam medendi methodum indicare potest. Morbus malignus itaque aut simplex est, i. e. cum febre quadam nullius generis accidit, aut cum febre inflammatoria siue gastrica (communes vocat GRANTIVS) aut etiam cum alia maligna vel pestilentiali compositus. Si prius, materia morbi per sudorem protinus e corpore depellenda, deinde autem eius in humores, quos iam fua natura imbuit, effectus delendi, crisesque salutares promouendae sunt. Si posterius, longe alia erit medendi ratio: malignitas enim cum morbo principe quocum pro epidemiae more aliisue caussis composita est, increscit, stat et decrescit: ideoque et eadem, quae huic morbo conuenit medela, malignitati quoque respondet.

Quare, vti in omnibus malignis morbis ita quoque in Angina maligna in id probe inquirendum est: an contagium in corpore caeteroquin sano, nullo epidemico vel sporadico malo affecto, anginam malignam simplicem stiterit, vbi illico materia morbi per diaphoresin eiicienda, deinde autem, quacum humores imbuit, putredo corrigenda et qua natura iubet via, per sudorem plerumque, crisis promouenda est; an in corpore ad phlogofin disposito phlogosin cierit, vbi Venaesectio; an sordes primarum viarum mobiles offenderit, vbi euacuantia administranda sunt antequam morbi ipsius materiam expellere conemur; an cum alia putridae indolis febre contigerit, vbi alexipharmacis antiseptica admiscenda funt.

S. XIII.

Et quis hanc plurimorum observatorum medendi methodum eorum de morbo theoriae congruam esse negabit? Si vera haec, bona erit et illa: si autem, falsa haec,

haec, snil boni certe ab illa sperandum. Num successus huius methodi theoriae veritatem probauit? Minime sane: nam quidquid inde praedicauerint omnes, omnia si contuleris, patet, euasisse quidem haud paucos sed plerosque tam mite affectos, vt etiam fine vllo adhibito remedio eos euafuros fuille credam; grauius affecti plerumque interierunt, aut saltem non nisi post graues cum morte luclas eluclati et vacillanti sanitati restituti sunt: et hoc methodi in vsum vocstae dignitatem minime potest probare; nam quis veterum et recentiorum medicorum est qui non sua agendi ratione, licet omnia fanioris medicinae praecepta euertente, mirum quantum se profecisse glorietur? Nonne ipse GRANTIVS (p. 320.) ex Sydenhami Sect. IV. cap. IV. trans. scribit:" non sufficere ad comprobandam in Acutis medendi rationem, vt feliciter cederet, (cum ab imperitissimarum muliercularum temeritate sanentur nonnulli) sed requiti adhuc, vt morbus, nullo negotio victus, quasi suopte ingenio cedat, atque abitum

abitum adfectet, quantum eius natura fert'? Ceterum morbi lethalitatem optime affirmat signum illud diagnosticum, quo eum inter plura alia, a scarlatina distingui vult, CVLLENIVS (Anfangsgr. Bd. 2. p. 103.):" fere omnes scilicet, quos Angina maligna afficiat, mori, quos Scarlatina, euadere".

Vnde itaque tristissimus ille successus, totius quem materia medica offert antiseptici apparatus, largi vsus? Si vera esset theoria, et ei superstructa medela conduceret: nam vere Sydenhamvs ait: "praecipuum medicinae faciendae defectum non in eo verti, quod nesciamus quo pacto huic aut illi intentioni satisfacere debeamus, sed quod non satis sciamus quaenam sit illa intentio cui satisfaciendum est". Quod si indicationes se tibi obtulerint, laetare, non deerunt enim quibus iis satisfacias remedia: sed absentibus, vel quod peius adhuc, fallentibus illis, si omnia, quae ditissimum dispensatorium. offert remedia, adhibueris, tara illorum et fortuita tantum

erit

erit efficacia. Oportet itaque fallaces esse illas, quas theoria praebet indicationes; oportet fallacem esse theoriam ipsam. Et id est, quod pro virium modulo nunc probare conabor.

S. XIV.

Priusquam autem id ipsum aggrediar non possum, quin alicuius difficultatis mentionem faciam, quae observatores in huic morbo medendo nimis femper vexauit. Nequeunt enim Anginam malignam et Scarlatinam distinguere: et tamen certa diagno. stica inter vtrumque morbum signa stabilire, eo magis iis incumbit, cum omnes consentiant medelam vtrique morbo conuenientem toto vt dicunt coelo debere differre. Sed quisnam in hac tanti momenti et tam anfractuosae indaginis re satisfecit? Omnia illa signa quae tanquam diagnostica inter vtrumque imprimis WITHERINGIVS (Samml. auserl. Abhandl. f. pr. A. Ba. V. p. 279.), et CVLLENIVS (Anfangsgründe. Bd. II. p. 101.) collexerunt, eo redeunt,

vt leuiorem affectum Scarlatinam, grauiorem Anginam malignam esse statuant. Qui autem ea perlegerit, quae in Scarlatinis epidemicis imprimis observarunt BICKERVS (Samml. ausert. Abhandt. f. pr. A. Bd. IX.). WITHERINGIVS (ibidem Bd. V.). PLENCIZ (traffatus de Scarlatina). De Haën (vatio medendi continuata. Tom. I.). NAVIER (Differtation en forme de lettre sur plusieurs maladies à Chalons sur Marne) et alii; primo iam intuitu videbit, Scarlatinam faepe iisdem, eadem facuitia instantibus fymptomatibus, quibus vuquam Angina maligna, suisse stipatam: eadem morte apoplectica, vel peripneumonica, sub iisdem spasmis necasse: iisdem exceptam fuisse morbis pedissequis *). Sed pone adesse alimaupigua dendo carripi polie tique oppolicioni respondence warm Scarlationer quam drugicos

^{*)} Duo diagnostica signa quae prae aliis maximam speciem in fronte habent, propius examinemus.

omnes contendunt, Scarlatinam esse plures negant: sed hos non legisse, certum est, quae

quam inter vtrumque morbum quoad gradum differentiam: quae quaeso diagnosis dubio-

quae BANG (Asta Hafniensia Vol. II. p. 76)
de Scarlatina memorat. Ait enim: "Contagii vis insignis videtur. Raro vlli in samilia quam aggrediebatur pepercit; huius argumentum mea propria domus dedit, vbi liberi, ancilla, vxor, ego ipse hoc morbo aegrotauimus; quid, quod agnata quae ex prouincia apud nos per aliquot dies commorata suerat et in cubili cum aegrotis dormiuerat, domum redux morbum secum portauit qui mox omnes liberos, e sex tantum vnico excepto inuasit".

minem semel tantum inuadere creditur, multa autem exempla probant eum qui iam vera Scarlatina laborauerit Angina maligna denuo corripi posse. Huic oppositioni respondeo: tam Scarlatinae quam Anginae malignae contagii vel singulam vel iteratam in eundem hominem essicaciam rem quam maxime dubiam esse, cum tam Scarlatinam quam Anginam malignam ter, quater imo pluries eundem afficere viderint BICKERVS (1. c. p. 94.) et MARTEAV

(1.

dubiosior hac? Nonne eundem morbi gradum alter Scarlatinam vocabit, Anginam alter? Tissotvs saltem exemplo est, qui (avis au peuple S. 117.), ab aliis (Bicker l. c. p. 183) anginam malignam, ab aliis (Rosenstein Kinderkrankheiten p. 329.) Scarlatinam descripsisse creditur. Nonne itaque eundem morbi gradum alter, modo a Witheringii lectione aduocatus, Scarlatinosa, alter modo Fothergillivm de manibus deponens, Anginosa oppugnabit medicina? Quis limites ponet quos citra Scarlatinae, quos vitra Anginae prouincia esto?

S. XV.

Nil itaque omnibus medicis exoptatius fore existimo, quam si probare contingeret vtrumque morbum vnum eundemque esse, neque distere in quem morborum ordi-

(1. c. p. 2.); in genere autem mihi videri eundem qui semel Scarlatina simplici laboborarit, denuo quoque Scarlatina miliari (de qua plura infra §. XXVI) affici posse.

ordinem, qui praesens est, reducatur. Sic enim nuspiam vbi aut anginosus aut scarlatinosus affectus praedominet, quisquam anxius sluctuaret ad quamnam remediorum classem sibi confugiendum sit.

Plures sunt qui iam vtriusque morbi identitatem suspicati sunt quorum nominare sussiciat v. d. Hevvell (tentamen nosologicum p. 383.), sed qui probauerit nemo. Quis me, si contigerit, selicior?

S. XVI.

Contendo itaque morbum hucusque sub Anginae malignae nomine toties obuium, symptoma, et scarlatinam hucusque pro Anginae symptomate venditatam morbum esse, quem Angina, modo gravius, quam alias solet, vrgens, symptomatice comitetur. Accidisse itaque morbo nostro quod de tot aliis queritur Stollivs (Ratio medendi T. II. p. 167. edit. Viennae apud Wapplerum. 1788.) dicens: "non paucae epidemiarum descriptiones prostant, quas B 4 qui

qui scripsere, quasi nouas quasdam aut nunquam omnino aut rarissime visas et arbitrabantur et posteros sic persuadebant. Id inde contigit, quod aduentitium quoddam non essentiale, sed hoc anno eminentius fortasse atque vniuersalius spectatum symptoma arripuerint, indeque tanquam a characteristica nota digressi, epidemiae notionem formarint, non vtique genuinam, cum ab accidentalibus folum non necessariis et mutabilibus repeteretur, atque etiam deceptricem quia morbi malam notionem mala confequi methodus debebat". Hinc, alibi (Tom. 2. p. m. 78.) ait: "nouam febrium cohortem terris incubuisse clamatum saepius est, cum nouus tantum esset einsdem febris lusus. Rem leuiculam et accidentalem, sed quae philosophantium oculos non feriebat, arripuerunt, missa morbi essentia, nubem pro Iunone amplexi". Neglexisse itaque morbum principem observatores, iudico, et cum quodam symptomate esse colluctatos.

many ommes is

ragiona Scarladooluur. Houli er morkillolum

S. XVII.

Et quibus haecce mea sententia nititur, argumenta haec sunt:

Omnem Scarlatinam cum aliqua tantum vehementia instantem (eam de qua Syden-HAMVS (Sect. VI. cap. 2.) egit, eo magis excipere licet, cum ipse auctor eam tam fuisse mitem, vt vix ac ne vix quidem morbi nomen merita sit, affirmet) comitatur angina symptomatica, pro epidemiae, endemiae, eorum quos afficit corporis constitutionis et aliorum varietate, modo minore, modo maiore (adeo vt dentur auctores qui in anginam plerumque magis quam in ipsam scarlatinam animaduertendum esse asserant) cum saeuitia vrgens. Haec est inflammatio catarrhalis a congestione humorum serosorum et lymphaticorum plus minus acrium ad faucium glandulas, quae aliorum quoque catarrhalium symptomatum vt oculorum rubedinis et lacrymarum, sternutationis frequentis etc. comitio vtitur. Contagium Scarlatinosum sicuti et morbillosum

et sub quibusdam conditionibus interdum quoque variolosum, id sibi proprium habere videtur vt catarrhalia semper symptomata cieat. Nam absente alia febris modificatione, catarrhalem haec aemulatur: et licet alique complicatio adsit, quaedam tamen catarrhalia symptomata nunquam desiderantur. In corpore, blandis humoribus submerso et solidis iusto cohaesionis gradu iustaque vi vitali pollentibus, quorum mutua actio et reactio suis limitatae legibus harmonicam exhibent proportionem, praedito, haec catarrhalia symptomata eo minus vrgebunt et eo facilius resoluentur, quo saevius vrgebunt et rarius vel morosius saltem arti auscultabunt in corporibus solidorum laxitate et humorum acrimonia ad catarrhalem constitutionem praedispositis. Huius praedispositionis frequentissimae et efficacissimae caussae sine dubio atmosphaera calida et simul humida, nebulosa, et victus vilis prauusque sunt. Illa cutaneos poros summe laxat, nimiam aquosarum partium copiam attrahi finit, vnde humores collu-

autem

vie serosa inundantur, solida humectata flaccescunt, torpent, debitae in contentos humores reactionis obliuiscuntur, perspirabile retinent et hac partium excrementitiarum retentione totum humorum oceanum acri corruptioni subiiciunt. Hie quo magis viscida, quae ingeruntur, sunt, eo magis nocebit. Viscida enim naturae viribus non rite fubacta chylum producunt glutinosum nimis, humores cacochymia pituitofa inspissant, inperspirabiles reddunt; vnde tardior quoque eorum per canales transitus, stagnatio, obstructio, aliarum etiam, praeter cutaneam, secretionum et excretionum impedimenta, et hinc humorum varia acrimonia.

Constat autem Anginam malignam illas regiones, illa anni tempora, illas tempestates, illud denique hominum genus prae aliis adamare, in quibus maxima ad catarrhalem acrimoniam procliuitas est. Constat eam prae omnibus aliis regionibus saepilsime semper et grauissime in Anglia saeuisse ibique quasi ciuitate donatam esse: Angliam

autem (GRANTIVS l. c. p. 140.) ob nebulosum et quam maxime pluuiosum clima, ob frigoris calorisque repentinas commutationes, quibus obnoxia est, iis imprimis morbis indulgere qui a retenta perspirabili materia producuntur, et catarrhis grauius quam alibi instantibus et in dispositis difficillime arti obaudientibus faecundissimam esse. Constat morbum in Gallia, Germania etc. raro tantum et timide caput extulisse et non nisi in iis regionibus pedem fixisse, quae situ, climate et atmosphaera, nubibus pluuiis foetis, tristi, humidam Augliam humidumue Belgium mentiantur: sic ciuitatem Aumale eamque circumdantem regionem, quae epidemiam longe lateque graffantem et vti videtur fatis grauem perpessa est, positam esse legimus (MARTEAV 1. c. p. 134. sqq.) in valle amplis siluis adumbrata, quae Boreae et Austro aditum permittunt, exitum recusant, Eurum autem atque Fauonium intercipiunt; unde stagnant quibus siluae abundant, quos auster secum ducit, aquosi vapores, stagnat et

corrumpitur aër quem cohibiti venti non mouent, et hinc omnia illa, quorum toties Belgium toties accusata est Anglia, mala nascuntur. Constat porro, morbum istos praesertim maculare menses (HVXHAM 1. c. p. 98. FOTHERGILL 1. c. p. 283. et alii) qui transspirationis suppressioni prae aliis indulgent, autumnales puta: in istos praesertim annos incidere, (HVXHAM 1. c. p. 93.) qui regnante humida atque nebulosa tempestate terrae fructus insipidos, aquosos, crudos, et mala grana praebent: adamatam denique sibi habere puellarem aetatem et e prouectioribus non nisi debiles faeminas aut quos laxum et imbecille corpus faeminis exaequauit, mares adoriri.

Num mirum itaque hancce prauarum concaussarum farraginem sufficere, vt illa catarrhalis inslammatio, quae in corpore sano benignam resolutionem sacile subissset, in malam suppurationem imo ipsam gangraenam abigatur, imprimis si stimulum prauae materiei in intestinis hospitantis (de qua inferius sermo erit) addideris, qui to-

ties sibi solus su'fficit ad inflammationibus gangraenam fubducendam? In faucium enim exulceratione et gangraena morbi essentia posita non est: non vi morbi proxime illae, sed mediate producuntur: inflammatio medium est: haec ob acriorem prauorum humorum et in systemate gastrico haerentis colluuiei stimulum, eo facilius, cui quaeuis alia inflammatio aeque obnoxia est, sortem, exulcerationem nempe et gangraenam, subit, cum solidorum, quae irritat, debilitas acciori et diuturniori irritationi non par est, facilius quam alias solet fuccumbit, emoritur: inflammationis'resolutioni quae obstant remoue, et nulla videbis vlcera, nullam gangraenam.

Apparet itaque omnia illa, quibus An, gina maligna ab ea, quae quamuis aliam comitatur Scarlatinam, differt, non nisi ad humorum lymphaticorum et serosorum acrimoniae, et solidorum debilitatis maiorem gradum pertinere: hunc maiorem autem gradum non a propria et specifica morbi

morbi natura sed solum a concaussis pravis iisque mere accidentalibus pendere. Rectene itaque vtrumque morbum ad diversos morborum ordines reduces? Quis est qui nesciat, quanta clades in corpore malis humoribus redundante vel ab acus ictu possit exoriri; quantam vlceribus sordem. quoties inflammationibus et vulneribus rebellem gangraenam afflet inquinatus nosocomialis aër? Num itaque licebit inflammationes istas, vulnera ista, quae, nisi accidentalia impedimenta obessent, sponte forsan resoluerentur et consolidarentur, ob ipfa haec accidentalia impedimenta ab inflamationum et vulnerum prosapia relegare atque in alios morborum chirurgicorum ordines reducere?

Verissima itaque optimi STOLLII

(S. XVI.) verba: "aduentitium quoddam

symptoma eminentius modo atque vniuersalius spectatum arreptum et inde epidemiae
notio salsa et deceptrix sormata est."

S. XVIII. den den vand

Hisce quaeso addas:

- igna grassata est, et Scarlatinam veram este observatam; vel epidemiam anginosam excepisse Scarlatinosam vel praecessisse, cuius rei imprimiis WITHERINGIVS et BICKERVS (l. c.) exempla afferunt; (ego autem dicerem: Epidemiam vnam eandemque Scarlatinosam adfuisse, sed, vt quaevis alia solet, modo ingravescentem modo denuo mitescentem). Addas
- ribus casibus iisque (§. XIX. A. 3.) facile explicandis) vna cum Scarlatina apparere, increscere, durare et disparere, nisi sorte symptomata quaedam fortuita (symptomata symptomatis vocant) vt glandularum submaxillatium et parotidum induratio et exvlceratio, pulmonum et intestinorum multiplex labes etc. remaneant variamque secundariam scenam ludant. Addas

cities that supple argent certain entre

3. Anginam malignam contagio scarlatinam veram communicasse, (Withers Bemerkungen über den Misbrauch der Arzmeimittel. p. 39. Nota.) et anginam quandam mucosam vti cum Stoerkio eam Grantivs (l. c. p. 573.) vocat, contagio anginam vere malignam impertiisse: (erat autem vtraque cum Scarlatina eruptione coniuncta. Grant p. 577).

Et nullus dubitabis Anginam malignam propriam exhibere morbi speciem nec debere nec posse. Non debere, quia omnia illa phaenomena, quae sibi propria habere hucusque visa est, in quauis Scarlatina, modo corpus aegroti satis praedispositum sit, obuenire poterunt et iam obuenerunt (cf. S. XIV.): non posse, quia contagio non semper sibi similem progeniem creat. Quomodo enim contagium maligno - anginosum Scarlatinam, mucoso-anginosum veram malignam anginam producere potest? Tune vnquam variolas a contagio morbilloso, morbillos a varioloso vidisti exoriri? Fac autem Scarlatinam morbum principem esse et anginam

fym-

fymptoma, et non miraberis minus vrgentibus vel prorsus absentibus malis concaussis, symptoma morbi minus vrgere, vel prorsus abesse.

S. XIX.

Sed nondum sufficit probasse, Anginam malignam morbum principem non esse: probandum adhuc superest, Scarlatinam in hoc morbo non esse symptomaticam. Et huic satagent varia haec argumenta:

A. Docente Gavbio (institut. Patholog. S. 112. sqq.) omnia symptomata in
morbis obuia aut Necessaria sunt, aut Nonnecessaria. Necessaria sunt: 1) Symptomata morbi, i. e. essectus sensibiles vi praesentis morbi proxime producti, quorum
ergo ad morbum eadem quae morbi ad
suas caussas relatio est, sine quibus vt praesentem morbum comitentur eadem necessitas est quae huic, vt suas sequatur caussas.
2) ex symptomatibus auxiliaribus sine virium naturae contranitentis conatibus, ea
quae cum caussa morbi concurrere debent
ad-

ad ipsam morbi speciem producendam, itaque symptomata actiua sunt, quae si abessent morbus in aliam speciem abiret. Haec necessaria symptomata cum morbo ita cohaerent vt eodem posito suasque vires euolvente non possint quin ocyus serius sese manifestent. Reliquorum symptomatum, quae itaque Non - necessaria dicere licet, laxior cum morbo cohaesio est, ita vt abesse et adesse possint. - Vtrinam harum fymptomatum classium Scarlatinam in Angina maligna annumerabis? Num necessariis? Non licet; nam neque vi praesentis Anginae proxime producitur, neque cum eius potentiis concurrit ad speciem Anginae malignae producendum. Num non necessariis? Posses, si constaret eam vel adesse-vel abesse posse: non poteris, si constat eam cum morbo ita cohaerere vt non possit quin semper sese manifestet. Et hoc esse, mihi persuasum habeo: et quibus nitor argumenta haec funt:

1) Dantur nonnulli auctores, qui Scarlatinae sine vlla conditione tanquam C 2 insepainseparabilis morbi comitis meminerunt v. c. Cullenius (Anfangsgr. d. Arznciwiss. Bd. 1. S. 314.). Alii Scarlatinam modo non semper adesse affirmant, v FOTHERGILLIVS (1. c. p. 285.). denique nullam quidem subinde eruptionem observarunt, sed hoc in casu insignis subsequebatur cuticulae desquammatio. (HVXHAM 1. c. p. 104. IOHNSTONE 1. c. p. 357.) Nonne hoc idem est ac si Scarlatinam ipsam observassent? Quoties enim idem contigit illis in epidemiis scarlatinosis quas observarunt et descripserunt Eichel (Acta Societatis Havniens. Vol. 2.) et BICKER (1. c.). Quid iste morbus - Cholera quein MARTEAV (1. c. inde a. p. 40.) epidemiam malignoanginosam intercurrisse ait, aliud est, quam Scarlatina? Nam eruptionem quidem non observauit, sed morbus larga desquammatione iudicabatur, et saepe pedissequam habebat Leucophlegmatiam.

2) Sunt quidem qui in nonnullorum aegrorum historiis nec de eruptione nec

de desquammatione sermonem iniecerunt: sed quidni eam nonnunquam tanquam symptoma omissam, quidni nonnunquam ob tenuitatem vel coloris insensibilitatem haud esse obseruatam putemus? Quam facile hoc sit, probat aegri cuiusdam historia, quam Praeceptoris summe mihi venerandi, STROMEIERI liberalitati debeo: Vidit enim adultum grauislimis omnibus, quibus vnquam Angina maligna stipata fuisse refertur, symptomatibus affectum. In Scarlatinam inquirens nil prater vix effatu dignum quid cum aliquo tumore coniunctum, in digitorum apicibus detexit. Sed nomen morbi non curans, morbo medelam fecit. Nec diu quod nomen conueniat latuit. Paucis enim diebus post in eandem domum arcessitus, et, vt duobus infantibus hydrope intercute totius corporis tumidis consuleret, rogatus, facile certior factus est hos ante octiduum febre Scarlatina sed adeo miti vt artis subsidii non indiguerint, laborasse, et priorem aegrotum saepius apud

apud hos contagio sese exposuisse. Quis est qui hunc morbum anginam malignam nominare dubitasset, nisi tempestiue infantum tumor et hinc praegressae scarlatinosae infectionis notitia subuenisset?

3) Ne animus quidem est negare interdum abfuisse exanthema aeque ac desquammationem. Potest, salua mea theoria. Eruptio enim etsi nequaquam critica, attamen semper falutare naturae molimen est. Quo tenuior haec, eo grauius secundum fere omnes tam de angina maligna quam de Scarlatina auctorum observationes (BICKERVM 1. c. p. 142 et alias, nominasse sufficiat) omnia alia, imprimis anginosi affectus, instant: et sic vice versa. Nec mirum id, nam natura forma eruptionis partem materiei morbificae ad cutem deponit: deficiente itaque hac depositione, non potest quin reliqua omnia grauius vrgeant. Caussae quae vti in quouis alio exanthematico morbo, ita etiam in hoc eru. ptionem retinent, in aprico funt: adelt enim

enim aut vera virium magna prostratio aut spuria debilitas a plethora vel primarum viarum fordibus oriunda, aut cutis inperspirabilis rigiditas aut denique spastica pororum a refrigerio con-Pone has caussas minus strictio. esse efficaces, aliqua quidem at tenuis eruptio erit; pone magis esse, nulla, et tunc periculosissimus morbus est. Idem in Scarlatina epidemica observauit BICKE-Rvs (1. c. p. 149.). — Caeterum maior morbi in fauces quam in cutem decubitus etiam ab epidemia, ficut variolosi in oculos, morbillosi in pulmones etc.: et denique ab aegrorum aetate pendet; adulti semper minus atque pallidius rubent, saepissime desquammationem sine praegressa sensibili eruptione perpetiuntur. Ii qui quadragesimum annum iam superarunt nec eruptioni nec desquammationi videntur esse obnoxii: sed eodem tempore quo infantes rubedo scarlatina pingit, hi (STOLL. Rat. med. T. II. p. 26. sqq.) angina tantum et febre

bre scarlatinam aemulante laborant. Quare STOLL (aphorismi S. 194.) in adultis febrem Scarlatinosam sine Scarlatina agnoscit.

Patet itaque eruptionem scarlatinam in angina maligna fere semper adfuisse, et si subinde absuerit, hanc eius absentiam eodem modo posse explicari, quo non solum in Scarlatina vera, sed etiam in aliis exanthematicis morbis, eruptionis desectus explicandus est.

- B. Si scarlatina in angina maligna symptomatica esset, non video quomodo sieret vt nunquam alia exanthematum genera corpora aegrorum tingant, vt nunquam de miliari et petechiali in aliis sebribus toties obuio, sed semper de scarlatino sermo iniiciatur.
- C. Praecox quoque Scarlatinae in hoc morbo eruptio fymptomaticam eius naturam, ni fallor, dubiis subiicit, In aliis enim sebribus exanthemata symptomatica sub sinem demum et mala sub prognosi

propullulant: hic autem scarlatina interdum omnium prima fuit.

D. Inter morbum et symptomata iusta solet esse proportio. At hic quo sae-vius angina afficit, eo minus plerumque cutem rubere videmus.

E. Scarlatinae denique nimium in totum morbum momentum est, quam vt mere symptomaticam eam habere liceat. Quoties enim omnium symptomatum summa exacerbatio imo mors ineuitabilis post eius retrocessionem? (HVXHAM 1. c. p. 106. FOTHERGILL 1. c. p. 305. et alii.).

S. XX.

Haec spero sufficient ad probandum, quam de symptomatis cum ipso morbo permutatione protuli sententiam.

Num autem inde deriuandus sinister ille successus, quocum morbum oppugnare conati sunt observatores? Minime; nam si indicationes arripuissent et his adaptam medicinam secissent, nomen quodlibet indere

per me liceret: nam de verbis contendere nolui.

Secunda itaque et gravissima causa, cui insignem, qua morbus hucusque semper saeuiit, stragem deberi censeo, est falsa medicorum de morbi putredine opinio, falsaque huic superstructa antiseptica methodus.

S. XXI.

Et quibus haec mea accusatio nititur, haec sunt:

A. In fymptomatum farragine, quibus stipatus morbus noster omnibus apparuit observatoribus, ea, quae putredinem tutissime testantur, nempe quae putridam colliquatiuam sanguinis resolutionem produnt, prorsus desidero. Adsunt quidem haud raro narium haemorrhagiae, sed quo iure has colliquatiuas nominare liceat, paulo inferius patebit. Aliorum symptomatum colliquatiuorum nemo meminit. Nemo de atra, sicca et discissa lingua; nemo de ardente cardiacorum desiderio, et animalium ciborum pertinace auersatione, pluribusribusque aliis symptomatibus, quae, etsi febribus putridis sanguineis, exclusis omnibus aliis, vere propria esse dici non possint, earum tamen decursum haud facile immaculatum transire sinunt, sermonem inicit. Num coniicere licet, auctores in commemorandis morbi symptomatibus alias tam suso, tam diligentes, ea ipsa, quibus eorum theoria niti debet, si adfuissent, omissise?

Sed audiatur et altera pars. Videamus quae pro morbi putredine argumenta proferant:

Viriumne summa prostratio pudredinem notat? Hanc omnem putridam sanguineam sebrem in secundo saltem stadio, (nam primum ea stipari ne solet quidem) comitari, sacile concedo. Sed quot quaeso sebres contagiosae sunt, quas non comitetur? HVXHAM (operum Tom. II. p. m. 104. 105.) contagia id sibi propria habere asserit vt neruos imprimis afficiant et vim nervosam prosternant. GRANTIVS (1. c. p. 519.) idem de omnibus contagiis, prae-

ter morbillosum et id quod tussim conuulsiuam gignit, contendit. Et quoties illa debilitas a vera virium inopia pendet? Nonne ipse GRANTIVS (ibidem) debilitatem spuriam a plethora et primarum viarum colluuie nouit? STOLLIVS (Rat. med. T. II. p. m. 181.) ait: "pulsuum exilissimorum caussa saepe est materies circa praecordia fummopere turgens; et hic optimum cardiacum emeto - catharticum est, quod pulsibus vigorem illico restituit. Stimulantia nil emendant sed mirum quantum sictitiam hanc debilitatem augent." Quis denique in morbo qui fere semper non nisi teneros infantes, eorumque tantum debiliores afficit, magnum medicatricis naturae molimen viriumque vigorem exspectabit? Quid! quod CCHOMEL (p. 41.) hanc infignem virium deiectionem, in sua epidemia abfuisse expresse moneat!

Haemorrhagias narium et praecoces menses interdum putredinis et quidem summae putridae colliquationis indicia esse, nemo negabit. Sed quis semper eas colliquatiuas esse contendet? Verissima sunt, quae Stollivs (Tom. II. p. m. 172.) affert: "ipse sebrilis impetus sanguinem aut e naribus aut ex vtero mouet. Si quando horum quid in morbo comparet, nec inde quid boni sperandum nec quid mali praessagiendum; neque vnquam inde agendorum ratio depromenda. Sufficit spectare ipsum morbum eiusque principem caussam, atque hinc medelam opponere directam et parem".

Quod ad narium haemorrhagiam attinet, constat, eam saepissime primum morbi ingressum foedasse, vbi itaque tanta sanguinis colliquatio, vt inde haemorrhagiae prodire possent, nondum adesse poterat, imo vbi obseruatoribus testibus aut salutaris aut saltem innoxia erat. Hic ipse febrilis impetus fanguinem mouit. Idem in omnibus fere infantum acutis morbis saepissime vifum est. Si autem in morbi progressu accidit, eam eo magis ab irritamento circa praecordia, vnde in aliis morbis toties oritur, aut a colli tam interno quam externo tumore qui arteriosum sanguinem transmittit,

mittit, venosum intercipit (vnde auctores ipsi apoplecticos assectus saepius in morbo nostro obuios repetunt) eumque cogit vt, qua ruat, portam quaerat, deriuandam esse censeo, cum nemo observatorum sanguinis stillantis putridam et dissolutam conditionem questus sit. Si denique sub sinem morbi sanguis erupit, ipsi auctores (nominasse suspitationem suchores (nominasse suspitationem propositionem propositionem auctores (nominasse suspitationem ab vicerosa alicuius arteriae erosione prouenisse et subinde tam largam suisse vt aegrum mox e medio sustulerit.

Quod ad menses autem periodum anticipantes in morbi decursu obuias: has saepe alias, praeter putridam sanguinis colliquationem, caussas agnoscere, probant quae inter plures alios auctores imprimis Stollivs (T. II. p. m. 176.) memorat. Ait enim: "saepe miratus sum purgationes muliebres ob biliosam febrem multum a sum sum deservices deservices, euasisse, anomalas, graues, periculosas, et sola illa, quae sem

brem directe atque efficaciter aggrediebatur, denuo intra orbitam reductam esle."

Nonne quoque si colliquativae essent istae haemorrhagiae, et alia quoque colliquationis indicia adesse deberent? Quis autem est qui petechiarum striarumque a fuggillatione liuidarum, atrescentium, in putrida sanguinis dissolutione toties conspicuarum; quis est qui sudorum colliquatiuorum, foetentium, sanguineorum; quis denique est qui diarrhoearum certe colliquationem testantium meminerit? Nam diarrhoeae illae, quas omnes queruntur, ipsis testibus, aut biliosae erant, (FOTHER-GILL 1. c. p. 289. Monro 1. c. p. 199.) aut ab intestinorum, praua sanie deglutita, erosione pendebant. (Fothergill p. 290. et alii).

Cum itaque haemorrhagiae hunc morbum maculantes neque ex se neque ex sociis tanquam colliquationis signa et essectus noscantur, nil aliud quam cuiusuis alius sebris symptomata sunt. Alui quoque deiestionum et spiritus foctor falso inter putredinis indicia numerantur. De male enim olentibus alui deiestionibus, tanquam sidissimis vitiosae intestinorum colluuiei signis, vt de quo inter omnes constet, susiorem esse non opus est. Spiritus autem foeditas, praeterquam quod ventriculi sordem saepissime prodat, imprimis viceribus impuris fauces depascentibus tribuendus est, eoque minus putredinem notat, cum eandem Bickervs (1. c. p. 142.) in Scarlatina epidemica cui inflammatoria adeo in genere natura haud videtur neganda, observauerit.

De animi insigni in deliria pronitate tanquam certissimo putredinis indice, omnes consentiunt. Sed iis respondeant, quorum auctoritatem haud suspectam habebunt, Tissotvs, qui, de febre Lausannensi agens, inter viginti delirantes nouemdecim e ventriculo delirare, ait; et Stollivs (T. II. p. m. 146.) qui mentem multo frequentius a vitio gastrico, quam a sanguine aut alia alibi existente causa turbatam vidit.

Meteorismus, maximo, vereor, cum aegrotorum damno, tam in hoc morbo quam toties alias semper putredinem testari, creditus, saepissime alius originis, spassicae nempe est, et viuidissimam intestinorum in acrem biliosum stimulum reactionem, caussam agnoscit: apparet itaque, vt Stollis (T. II. p. m. 19.) verbis vtar, vbi multa colluuies intra sublime abdomen collecta moueri incipit atque exitum tumultuarie molitur, interaneis integris quidem at imbecillis.

Ne gangraena quidem putredinem notat. Gangraena enim, nisi ab intercepta nutritione orta, semper est vis vitalis alicuius partis praegressa inflammatione vltra sui extendendi facultatem intensa. Nil itaque prodit quam praegressam in parte asfecta acriorem, diutius insistentem irritationem; quam solidorum debilitatem quae huic irritationi non diu paria facile succumbunt, emoriuntur; quam denique prauam humorum conditionem variumque in corpore latentem morbosum somitem, tanquam secundaria irritamenta in affectam debilem partem agentes. Hinc STOLLIVS (T. II. p. m. 185.) inquit: "superuenientes febres gastricae morbos ipsos chirurgicos, vulnera, vlcera etc. repente et multo peiores effecere. Imminentem non raro in parte laesa gangraenam cura antibiliosa et zëre lustrato repercussimus et ne sanati relapsum paterentur stomachicis remediis ventriculo cauimus." Hinc toties Venaesectione et variis multiplex irritamentum hebetantibus remediis ad gangraenam coërcendam et sanandam, quam ipso Cortice opus est. Cortex enim putredinis caussa in gangraena adhibitus non gangraenae caufsam sed effectum oppugnat.

Videmus itaque omnia ea symptomata, quibus onnes freti putredinem accusant, saepe quoque, quin quaedam saepius, in alius naturae sebribus venire obuia, ideoque putredinis characteristica signa esse non posse: ea contra quae putredinem tutissime notant, hic prorsus desiderari. Me autem de morbo integro hic locutum esse et eum,

in quem regimen ineptum falsaque medela morbum non putridum vertere potest, hic ad me non pertinuisse, vix est quod moneatur.

Vti autem hoc tanquam grauissimum meorum argumentorum, quibus de putredine morbi theoriam impugno, considero, ita tamen alia adhuc in promptu sunt, quae nunc breuiter subnectam. Itaque

B. Putridi morbi calidos aestatis menses prae aliis amant; Angina maligna autem, etsi per integros annos hinc inde caput efferre visa sit, saepissime tamen et grauisfime autumnali tempore hyemifque initio affecit. Sic Fothergillivs (1. c. p. 283.) a mense Septembri ad Decembrens totidem hoc morbo affectos vidit, quot per totum reliquum annum. Sic MARTEAV (1. c. introduction p. XX) morbum saepissime a mense Octobri ad Aprilem, raro aestate vidit. Sic HVXHAMVS (oper. Tom. III. p. 98.) morbum saepe Septembri, saepius Octobri et Nouembri, saepissime Decembri occurrisse affert. Sic Don. Monro (1. c.

p. 197.) morbum saepissime autumno et hyemis initio sese observe innuit. Sic denique illa epidemia quam observarunt et descripserunt Chomel et Astruc (Chomel
l. c. p. 102.) mense Octobri grassata est etc.
Et insuper Grantius (p. 282. sqq.) multas Londini, vbi Angina maligna saepissime
semper observata est, caussa adesse refert,
quae putridos morbos rariores reddant, adeo vt ante et praeter Iulium et Augustum
epidemice non grassentur.

C. Secundum omnium medicorum, ipsiusque Grantii (cf. S. XII.) observationem, febris, quam quoduis contagium in corpus delatum excitat, aut simplex i. e. solum naturae materiae morbificae exterminationem molientis conamen est, aut pro corporum, quae afficit, constitutionis et imprimis pro epidemiae, quae, sum dictaturam exercet, omnes morbos, quovis sub nomine veniant, suae ditionis facit suisque sub vexillis militari cogit, varietate, variam sibi complicationem adsciscit. Quomodo quaeso sieri posset vt in hoc

hoc contagioso morbo febris semper putredinis foedo consortio vtatur, imprimis cum ipse Grantivs (p. 351. 352.) multas Londini concurrere causas dicat, quae bilem sufflent, cum ipse (ibidem) biliosam febrem autumnalem morbum nominet?

S. XXII.

Quid igitur omnes observatores, quoties faucium gangraenam inspiciunt, vno ore putredinem clamant? Vnde aliarum febris modificationum tanta apud omnes negligentia, vt matronas ipsas (IOHNSTONE p. 341.) et sacerdotes (MARTEAU 1. c. introduct. p. XV.) cortice et ceteris antisepticis morbo mederi docuerint? Vnde ipse Grantivs egregiae suae de contagiosorum multiplici indole theoriae (cf. S. XII.) ita obliuiscitur, vt nullibi, (docent aegrorum historiae tractatui de Angina maligna annexae) ne sub clarissimis quidem primarum viarum saburtae indiciis, plus quam vnum emeticum vnumve purgans diaphoreticis et antisepticis praemilemiserit, vel hisce rariora clysmata interpofuerit vel denique purgantia et antiseptica alterna vice propinauerit?

S. XXIII.

Sed, vt recte intelligar, daturne vnquam angina putrida? nec vnquam Scarlatina putrida? Posse dari anginam putridam, nequaquam nego: si scilicet et peripneumoniae, pleuritides aliaeque putridae inflammationes dantur. Aeque tamen ac illae rara erit, aeque forte ac illae non nisi fymptoma casu ad febrem putridam simplicem accedens, non magis ac illae scarlatina eruptione stipata, nec epidemico more faeuiens. - Nec vnquam Scarlatinam mere putridam dari posse, negare animus est; sed et hanc rarissimam esse debere mihi persuasum habeo, quippe qui apud omnes illos observatores, quos in hocce libello elaborando perlegi, et sane haud pauci sunt, nullum exemplum reperierim vbi dicere licuisset: Scarlatina putrida est.

S. XXIV.

Cum itaque, vt ad propositum redeam, non solum sinister methodi antisepticae in hoc morbo effectus, sed etiam omnium eorum, quae putredinem accusant, phaenomenorum defectus, putridam morbi naturam, quantum mihi saltem videre contigit, plus quam dubiam reddant: videamus nunc quae nam sint verae, quas nobis offerat, indicationes? Probato iam Scarlatinam primas in nostro morbo habere partes, nil quidem impedit quo minus omnes hic, quae in quauis alia Scarlatina, adesse indicationes, morbumque saepissine (nam semper esse cum Stollio, Tissoto et aliis contendere non ausim) gastricum esse, afferam: sed ne imprimis in hac disquisitione desim, phaenomena in ipsis istis, quas observatores descripserunt, epidemiis annotata, quid faciendum sit suppeditent.

6. XXV.

Nauseae, vomituritiones, quin ipsi biliosi vomitus morbi iam primum insultum slipant. Non ignoro quidem GRANTIUM et alios omnia haec a spasmo sebrili vniuersali proficisci velle; non ignoro quoties in aliarum febrium primo insultu obuia sint; nec denique ea subinde ab ipsius oesophagi erosione posse originem ducere, nego: sed tanta eorum constantia vt semper adfuisse libere contendere possim; corum haud rara per totum morbum perseuerantia; levamen quod aegris afferunt, (quis enim a spastico vomitu leuamen sperabit?); signa quae sibi adsociant semper, praecordiorum nimirum oppressio, ventriculi angor, aluus ipsis Fothergillio et Monroo testibus biliosa demittens (cf. J. XXI.), vrina turbida quasi bile tincta (cf. S. VI.) et omnium primum lingua, veridica illa ventriculi intestinorumque index, in apice humida et albescens versus radicem autem crassa, lutea et castanei coloris saburra obtecta, cuius ad vnum omnes meminerunt, quam inter diagnostica morbi signa Hvx-HAMVS (p. 108.) refert; egregius denique in hoc morbo emeticorum effectus, quo-

rum

rum vnicum saepe totum morbum abstulit, (Levison 1. c. p. 13.) vel saltem semper serox eius ingenium valde depressit, vti omnes affirmant: quis est cui de bilioso somite primas vias praesertim autem ventriculum soedante non persuadeant? Hisce addas: morbum in illos menses incidere, illos annos prae aliis amare, qui bile vberrimi sint (s. XXI. B.), addas: multas Londini caussas subesse quae bilem sussent subesse putredinem absoluendam, silem hostem esse quem opporteat aggredi.

S. XXVI.

Sed eandem hic bilis conditionem subesse, quae in quauis Scarlatina vel cuiusuis
alius nominis biliosis in sebribus, contendere nolo. Vetor omnium symptomatum
saeua vehementia, vetor velociore et periculosiore morbi decursu. Longe solito maior bilis acrimonia adest. Hinc anginae
malignae assectus in ea solum Scarlatinae
specie videmus, quam miliarium (haee

enim non semper vesiculae aër continentes, non semper meri proxime instantis desquammationis prodromi sunt; sed saepe eandem, quam genuina miliaria, aquosam, purulentam materiem continent, saepe iam initio sebris scarlatinae propullulant) prauo satellitio vtentem, Scarlatinam miliarem aut cum Vogelio (de cognos. et curana. morb. p. 112.) pustularem nominare sas est, et quam ob maiorem omnium symptomatum molestiam, maiusque quod secum ducit periculum satis male audientem nouimus.

S. XXVII.

Sufficietne autem acris bilis omnibus illis malis producendis, vnde tantae infamiae hucusque semper morbus suit, vnde tanta cum strage saeuiit, vbicunque extulit caput? Sufficiet sane. Vidimus iam (S. XXI. A.) omnia dirissima symptomata, quibus vnquam noster morbus apparuit stipatus, saepe saepius in aliis morbis, meracae bilis progenie, esse observata. Quid! quod ne his solum sed maioribus adeo Chamae-

leon hic versipellis par sit! Incipientem Opistothonum, resolutionem musculorum faciei ex vno latere, balbutiem etc. emetocatharsi sublatam, cito sublatam vidit Stolutives (Rat. med. T. I. p. m. 33)!

§. XXVIII.

Quaenam sunt itaque, quas offert morbus, indicationes? Quod ad sebrem attinet, cuius longe maxima in huic morbo medendo ratio habenda est, nullae sane agnoscendae sunt, quam: bilis acrem stimulum hebetandi; putridam eius corruptionem praecauendi; eamque quantocyus educendi.

Quam symptomata sibi curam poscant, inferius dicetur.

Iam itaque videamus quae, secundum has a sebris natura desumtas indicationes, remedia perniciem minitentur, quae salutem promittant; bene memores issius:

"In febrium quarumlibet curatione omne punctum tulerit, qua porta excludenda veniat materia febrilis, qui certo norit." (Sydenham. Sect. VI. Cap. I.).

S. XXIX.

Venaesectio.

Plurimi eius vsum dissuadent vel arctissimis saltem limitibus circumscribunt-Sunt tamen nonnulli qui non solum opem inde sed totam fere curam exspectant: huc pertinent: CHOMEL (1. c. p. 73.), ASTRVC (CHOMEL 1. c. p. 102.), DVBOVRG (ibidem p. 127.), et vt videtur quoque Russel (oeconomy of nature etc. p. 112.). Quid itaque de ea cenfendum? Febrem Scarlatinam raro quidem mere inflammatoriam saepe autem gastrico - inflammatoriam esse, notum est; sed rara haec in tenerioribus infantibus adultisque imbecillis complicatio. Ceterum Scarlatinae gastrico - inflanimatoria species ea non est quae magnam faucium prae se ferat cladem. Nam inflammatorii quid semper bonam solidorum conditionem, bonam humorum crasin supponit, et his conuenientibus vis vitae vegeta, etsi inflammationibus saepe obnoxia, iisdem non facile fuccumbit, plerumque benignam earum

earum resolutionem admittit. Debilibus autem solidis, vitiosis humoribus, leui sane irritamento opus est, vt inflammatio in suppurationem imo in ipsam gangraenam abeat. Illa itaque Scarlatinae species, in qua solidorum debilis et irritabilis humorumque praua conditió subest, in qua non phlogistica diathesis sed solus miasmatis bilisque stimulus phlogosin faucibus afflat, ea est, vbi post leue languidumque certamen omnia mox victori hosti et simul omnibus quae ille iubet vlceri atque gangraenae fefe subiiciunt. Num in hac a Venaesectione quid boni sperandum? Minime fane. Omnium enim turbarum princeps auctor bilis est. Quid sanguinis misfio (libenter STOLLII Rat. med. T. II. p. m. 229. verba repeto) in bilem potest stomachique pituitam? Pugio plumbeus in leonem, claua herculea excipiendum, emetocatharfi! Sed non folum omnem in fe positam spem Venaesectio fallet, magnopere quoque nocebit. Plus enim (STOLLIVS Rat. med. T. II. p. 87.) nocet fanguis THERE

vbi non oportuit missus, quam non missus vbi oportuit. Elaterem fibrarum iam nimis remissum magis eneruat: vires, a quibus omnia in hoc morbo pendent, pessundat: erupturam Scarlatinam retinet, eruptam reuocat. Iam bilis quam sanguine fraenari veteres dixerunt, rescisso hoc fraenulo, efferri incipit atque repagula effringere, communem humorum oceanum adit neque emeticis neque purgantibus reuocanda, totoque in corpore dominium mox obtinet. Hinc morbus crescit, putredinem qua hactenus caruit, induit, et si vsquam malignitas, hic est. Chomelivm itaque ex octo aegrotis, quorum historiam narrat, perdidisse quinque, non miror; tres servasse quod mirer est: quippe qui in aegra tredecim annorum (p. 10. sqq.) intra tres dies octo Venaesectiones instituere haud dubitauerit, qui sanguinis massam idcirco diminuerit "parceque la maladie augmentera à proportion qu'elle trouvera plus d'humeurs à corrompre" (p. 73.) et vana hacce ratione fretus optimo sese contra morbum praesipraesidio spoliauerit. Similis, ni fallor, cauti ducis, qui optimam suarum copiarum in castris retinet partem, "quia eo cruentior pugna erit, quo plures se caedi obtulerint" et sic iam primo congressu campum cedere cogitur.

Nonne autem adultis, robustis, bono sanguine repletis, si sorte et hi afficiantur, vena tundenda erit? Poterit, sateor, si gravius vrgent plethorae turbae, deglutitionis et respirationis dissicultas: ast parca siat neque iterante manu; aut, quod melius adhuc, topica sit. Sponte enim subsidet breuis aeui, saepe inanis tumultus. Imprimis autem caueas ne veram phlogosin iudices quam mentitur bilis; ne Venaesectione pulsum indures, qui subuerso ventriculo cum leuamine mollescet.

S. XXX.

Purgantia.

Haec rari semper in nostro morbo vsus fuere: et vix quemquam praeter Don.

Mon-

Monro (1. c. p. 199.) et hunc non nisi sub certis conditionibus ea commendasse lego. Et cum ex omnibus phaenomenis pateat, principem morbosi irritamenti in ventriculo sedem esse, omniaque in eo vertantur vt proxima illud via educatur, parum sane promittunt. Aluus semper respondeat, sed huic scopo sufficient clysmata. Ad internum purgantium vsum tunc demum confugiendum esse censeo, si in morbi progressu neglectaque emesi altius iam descenderint sordes: nec hie nisi mitiora permitterem. A fortioribus, vt quae iam nimis prostratas vires magis adhuc infringant, eo magis abstinendum, cum ob acrem bilis stimulum, non sine luculento aegrotorum detrimento, iam sponte soleant largiter fluere diarrhoeae.

S. XXXI.

Diaphoretica.

Haec cum regimine diaphoretico coniuncta omnibus auctoribus semper, imprimis autem GRANTIO magni aestimata
suerunt.

fuerunt. Constat quidem omnia febrilia contagia in corpus delata, antequam suos exseruerint essectus, sudore posse expelli: et de Scarlatinoso pluries observauit EICHEL (Acta Havn. Vol. II. p. 38. 2). Sed fi iam febris ardet, bilis iam secretio alterata est, num et hic diaphoresis conducet? GRANTIVS quidem immemor febris, immemor aestuantis bilis, semper (rariores casus excipias) diaphoreticis curam exorsus est, extortumque sudorem aluit donec expulsum crederet contagium: ego autem hanc methodum non posse proficere credo, nam si iam venenatum aculeum infixit contagium, iam suos effectus praestitit, nunc hi delendi sunt et in hos diaphoresis nil potest; imo nocere mihi persuasum habeo, vt quae sebrem augeat (quod ipse expertus est GRANTIVS et adeo vt pluries post sudorem venaesectionem instituere coactus fuerit, p. 614. 622.); pellat in secundas vias primarum sordes et ita morbum hactenus maxima ex parte intestinis inclusum, et sanguini impertiat. Vbi-

E

cunque itaque diaphoresis totam curam absolvisle imprimis GRANTIO (p. 596. 619. 638. 647.) scribitur, mere simplicem catarrhalem aemulantem febrem adfuisse pro certo habeo. GRANTII imprimis in propinandis diaphoreticis audaciam miror, vt qui aegro (p. 616.) hoc morbo quem luculentissima colicae biliosae signa slipabant, decumbenti, vnum tantum dederit purgans, et quamuis biliosae et magnopere alleuantes sedes antigastricae methodi continuationem quam maxime indicarent, illico ad diaphoretica transierit: cum tamen alio loco (p. 370.) hanc agendi normam vituperet eiusque noxias oftendat.

S. XXXII.

Cardiaca.

Haec, imprimis vinum, confect. cardiac. Raleigh. pulv. Contraieru. et e chelis cancrorum compositus, Camphora et Crocus summum sere apud omnes auctores, prae aliis autem apud Fothersillivm et Hyxhamym, in Antanginosa materia medica

dica locum tenent, iisque et nutriens viclus adiungitur.

Duplex scopus est hisce remediis praefixus, alter prostratas vires excitandi, alter materiam morbi per sudorem atque exanthema eiiciendi.

Quod ad primum attinet, ex praegref. sis iam plus quam verisimile est debilitatem in hoc morbo fere nunquam a vera virium inopia sed ab acri in primis viis haefitante viresque deprimente stimulo pendere: eoque probabilius hoc, cum plerumque cum primo iam morbi infultu contingat; vera autem virium inopia in decursu demum morborum soleat subuenire. Liquet itaque quae hoc scopo a cardiacorum vsu speranda sint. "Optimum hic cardiacum emeto - catharticum est; simulantia nil emendant sed mirum quantum sictitiam hanc debilitatem augent". (STOLL T. II. p. 181.). Ita quoque nutrientium alimentorum in hoc morbo idem qui in tot aliis effectus erit: morbum nutrient non aegrum.

Sed si quoque vires vere succumberent quod in progressu morbi saltem sieri potest, attamen, quales observatores praescripsere, stimuli ob ipsam intestinis inhaerentem sordem, non facile admittendi erunt, sed potius talibus, quae in primis viis vim nullam noxiam exserunt, vt sinapismis etc., explendi sunt.

Quod ad secundum: de sudoris in incremento et statu morbi inutilitate imo noxiis, iam praecedens S. egit. Iam itaque videamus quid in exanthema cardiaca posfint? Si huic nulla obstant impedimenta sibi plerumque sufficiet sui conservatrix natura: si obstant, haec obstacula remoue et cutis rubebit. Tune variolas atque morbillos, quibus luxurians sanguis, abdominis sordes cutisue inperspirabilis rigiditas ostia claudit, vino et camphora extrudes? Venaesectione, En to-catharsi tepidoque balneo reclude, et calcaribus non indigebis. Ibi solum vbi absentibus aut iam remotis hisce obstaculis vera virium te deseruerit labes, vini, camphorae vel cuiusuis similis simulum

lum subdere licebit. Nonne et hic eadem rerum conditio? Omnia quae cardiacorum tribus offert, sanguinis tumultum augebunt, bilis morositatem acuent, eoque difficilius incarceratus poterit folui.

S. XXXIII.

Antiseptica.

Horum Corticem peruuianum et minerale acidum, vt quae omnibus obseruatoribus semper vsitatissima fuerint, recensuisse sufficiet. Corticis vsum prae aliis IOHNSTONE, D. MONRO et LEVISON magni fecerunt. Quantum detrimentum sit quod in initio morbi, vbi meraca bilis adest, afferre debeat, multis verbis ostendere opus haud foret, nisi audaciam horrerem, quacum inter alios imprimis GRAN-TIVS (p. 633. 636.) vt qui inter luculentissima sistematis gastrici praua materia inquinati signa, illico ad corticem confugere aut saltem corticem et euacuantia alterna vice adhibere non dubitauerit, eum propinasse legitur- Monendum itaque est, vtut E 3 fuerint,

fuerint, qui Corticem hie primas tenere arbitrentur, eum morbi causam non removere; bilem mobilem figere; eius euacuationem regia via impedire; vim vitae saburrae mole iamiam depressam prorsus prosternere et ita (Stolli verbis vti liceat) morbum in malignissimam malignitatem reducere. Febrem praeterea, febrifugae virtutis oblitus, auget, adeo vt DE HAËN (Rat. med. contin. T. 1. cap. de Scarlat.) cortici in Scarlatina specificam vim esse existimans, sanguinis turbas post eius vsum Venaesectione debuerit sedare; sanguinis per abdominis viscera circuitum sistit, viscera obstruit etc. Nec si putridam iam corruptionem primarum viarum fordes induerunt, tutior eius atque salubrior vsus erit: in primas enim vias nullam antisepticam vim exferit; putridam contra faburram, secundum sanioris medicinae leges quam primum educendam, retinet: vnde incendium alimentis haud subductis, imo oleo lignisque affusis, quouis momento latius serpit et omnia in cineres vertit. Nec deni-

denique si iam humores corruptionem participarunt, cortici locum esse pro certo habeo. Quidquid de eo in hoc casu praedicauerint CLARCKIVS, LINDIVS, LETTsomivs et alii: Nostratium neminem quam dubii nominis sit fugit. Quod in humoribus forte emendat (sed saepe in verae sanguineae putridae febris initio nondum convenit cortex) in alimentari canali perdit: hinc omnia mala humores hauserunt, hinc plura vlterius haurient. Longe itaque hic Cortici praeferenda erunt, quae sanguinis corruptioni consulunt, et simul eam quam primae viae includunt non augent: vt vegetabile acidum, Tamarindorum pulpa, Riuerii potio; et in magis vrgente casu aut vbi vires nimis labefactae malum omen praebent, Valerianae et Serpentar. radices.

Quomodo explicabimus autem fummas corticis apud omnes in hoc morbo laudes? Semper, respondeo, et tanquam princeps remedium cortex in vsum vocatus est: si itaque euaserunt quos a primo-

E 4

limite

segre quidem, tam mitis morbi affectus quam ipsam proditoriam artem perferre potuerint; si denique euaserunt, quibus diaphoreticorum vsus omnem morbi materiam in secundas vias traduxerat, vbi dehiscens et iam ruiturum aedisicium subinde cortex sustent at, vnicum propemodum at impar saepe sulcrum: tunc certe non potuit, quin cortex est! clamaretur, quin summis laudibus elatus benignus cortex se. rae posteritati commendaretur.

Idem fere de minerali acido valet. Putridam quidem, si aliqua adest, sordium corruptionem paululum corrigere id posse, non nego: ne aeque autem ac cortex portam, qua excludenda venit materia sebrilis, claudat, maxime vereor.

S. XXXIV.

Vidimus itaque non folum quocum infelici successu hucusque recensita remedia adhi-

adhibita sint: sed in causas inquisiuimus quoque, ob quas cum infelici hoc successu ea adhibita suisse oporteat. Iam itaque meum esse duco, vt, quae secundum meam a morbi natura et phaenomenis dessumptam theoriam conueniant, subiungam.

§. XXXV.

Emetica.

Lingua plerumque humida, nausea, vomituritio, vomitus ipsi biliosi vna cum praecordiorum oppressione et vehementi capitis dolore, ventriculum inprimis inquinatum et mobili quidem materia inquinatum esse, omni dubio subducunt. Optima itaque atque tutissima in initio saltem morbi, remedia emetica esse, quisque facile mecum iudicabit. Magna sunt quae ipsi ohseruatores, etsi raro iisdem vsi, etsi morbi naturam non suspicati de iis praedicauerunt. Saepe totum morbum vnica emesis abstulit, saepius eius decursum longe, quam alias solet tolerabiliorem reddidit.

E 5

Nescio

Nescio vtrum contagium scarlatinosum specifico modo id fibi proprium habeat vt fere semper hepatis officinam turbet: an potius ab epidemiae constitutionis, in quam incidere, vel a corporum eorum, quos afficere adamat, certo quodam habitu, frequentissima haec Scarlatinae febris modificatio biliofa pendeat? Id scio, inter rarissimos fori medici casus Scarlatinam pertinere non biliosam. Optimi eius observatores vt WITHERINGIVS, TISSOTVS, STOLLIVS et alii eam semper (quod tamen, vti iam §. XXIV. monui iis concedere non ausim) biliosam esse, eam se semper fere et solis euacuantibus superasse, affirmant: et qui ad aliorum remediorum classem confugerunt, sinistro laborum successu. se errasse, luculentissime probarunt. Illa faltem Scarlatinae species quam Angina maligna comitatur, quam Scarlatinam miliarem nominare fas est, semper biliosa est; emeticis itaque et solis emeticis, si tempesiue arcessitus fuerit medicus, sebrem suis in incunabulis enecabit, gangraenam a faucibus

cibus prohibebit et aegrum citra ambages in vado ponet.

Ipecacuanham antimonialibus semper praeserendam esse, non dubito, vt quae rarius diarrhoeis toties in hoc morbo molestis ansam praebeat, quae minus ac illa irritans cum minori tumultu euacuet, et, mobilibus satis sordibus sortius emeticum non requirentibus, essicacis emetici vicibus facile par sit.

Raro resoluentia emeticis praemittere opus erit: symptomatum impetus, sordiumque summae turgescentiae signa, mobilitatem educendae materiae tutissime plerumque testantur. Quod si autem vnquam contingat vt imprimis sordium linguae inhaerentium siccitas resoluens praeludium postulet: summopere tibi ab omnibus caveas quae vllo modo putredini fauent, quae vllo modo aluum saepius quam saest, mouent. Ad copiosos solos et mucilaginosos vegetabili acido acuatos potus ad spontaneum siue tenue tamarindinatum lactis serum, ad Riuerii potionem cum

Sale ammoniaco confugere licebit, vt quae saburram ad euacuationem quae proxime subsequi debet, potenter praeparent, simulque ei forte instantem putridam corrutionem optime praecaueant-

Si autem primus morbi ingressus fuerit neglectus, iam maior bilis acritas ventriculum cardialgico more torqueat, tympanitico efferat ventrem, pulsus paruus et spastice durus, cutis sicca rigiditas, forte et extremorum frigus etc. vniuersalem prodant spasmum; tunc aliam praeparationem fibi emesis poscit. Hic (vti pulchre STOL-LIVS Rat. med. T. II. pag. 107. fuadet) irruenti hosti cedendum paulisper est et amplianda spatia ne intra angustias conclusus sibi ipsimet exitum praecludat. Hebetandus itaque hic acris bilis stimulus est, et minuenda solidorum in eum reactio. Primo conuenient iam supra memorati largi, mucilaginosi, obuoluentes multo vegetabili acido impraegnati potus, Riuerii potio efferuescentiae tempore ingesta, et Ipecacuanha refracta dosi exhibita. Quod ad Secunfecundum, nullum fane remedium noui ad quod facilius et cum maiore laeti successus spe consugerem, quam balnea vel semicupia tepida: et his abdominis oleosas, camphoratas inunctiones, cataplasmata et somentationes emollientes, clysmata denique obuoluentia et emollientia subiungerem. Sedata, quantum poterit, his similibusue remediis enormi contentorum et continentium mutua actione et reactione, emesis cito et tuto morbiscum somitem extrudet.

S. XXXVI.

Sedne vllus purgantium in hoc morbo vsus erit? Si, neglecta in morbi principio male emesi, iam versus anum descenderint sordes, nil sane superest, quam ea, quam iam ingressae sunt, via, eas deducere. Sed rarior longe purgantium quam emeticorum exoptatus essectus. Tardius euacuant, diutius itaque sordes corruptionis periculo exponunt, et, quod omnium pessimum saepe hypercatharsi magnopere debilitant. Parca itaque et cauta exhibeantur manu. Quan-

tum fieri potest, clysmatibus fiat: sed si, his desicientibus, ad interna consugiendum est, nulla facile praeter tartarisatum vel tamarindinatum lactis serum, cremorem tartari cum Magnesia commixtum et denique Rheum cum aliquot calomellis granis, vt quod blande sine noxio irritamento faeculentas sedes ducat, Scarlatinae eruptionem non praepediat, neque putredini vt quis putare possit (quippe mox e corpore redux) saueat, permittenda erunt. In principio rite tractati morbi, rarissime purgandi indicatio aderit.

6. XXXVII.

Hisce remediis febris si suerit tempesliue excepta, omnia illa mala, vnde tam male noster morbus audit, saepissime auersum, rarissime febris gastrico - putridam complicationem, nunquam veram sanguineam putridam febrem observatum iri, pro certo habeo,

Quod si autem neglecta fuerint omnia et insuper ineptum regimen ineptaue remedia adhibita: tunc certe hic, aeque ac in quauis alia gastrica sebre, putredo biliosas sordes corrumpere potest. Magna virium spirituumque deiectio, magis vrens calor, magis vrgens sitis, vehementior capitis dolor, lingua siccior atrescens, os amaro - putridum, frequentia deliria, frequens meteorismus, peruigilium denique constans, facile hanc fordium putredinem produnt. Iam magnum periculum adest. Diutius haerens fomes putrescens intestinis gangraenosam inflammationem, sanguini inquinamenta minatur. Si itaque vspiam medici est festinare, hic est. Illico itaque malae huius fordium corruptionis, si quae ad. funt, caussae remoueantur: ex cubiculo angusto, profundo, in spatiosius altius situm, ex aëre impuro calido in purum, frigidioremque (quantum scilicet ob exanthema tuto fieri potest) transeat aeger; lectum densum et mollem leni et tenui cum stragulo commutet; apto vtatur mere vegetabili victu, multo acidiufculo potu. Eodem quoque momento omnia quae ad putridam vitiosae colluuiei corruptionem corrigendam materia medica offert, in vsum vocentur: largus acidorum vegetabilium, Potionis Riuerii cum sale ammoniaco, imprimis autem aëris fixi et similium vsus sit: et sic quodammodo infesta materia ad euacuationem praeparata, proxime subsequatur emeto-catharsis. Magis hic adhuc emetica purgantibus, quant in mere biliosa saburrae conditione, erunt praeserenda: cautior adhuc hic in administrandis purgantibus sis; hic enim vires minime debilitantes causas aegerrime solent ferre: nullius fere Salis, nullius fere praeter Rheum, Calomel, Magnesiam cum tartari cremore, cathartici, et horum quoque nonnisi parcus et cautus vsus sit.

Sedne sanguini quoque prospiciendum?

Nondum sanguis laborat: putredo primas solum soedat vias. Magis itaque ad praecauendam quam ad corrigendam vitalis laticis corruptionem, largus atque perpetuus seri lactis tamarindinati, lactis ebutyrati, aquae aëre sixo impregnatae, decocti pomorum Borsdorssiensium atque similium

lium vsus sit. Quo citior, cautior et pertinacior primatum viarum euacuatio erit, eo minus liumores corruptionem participabunt, eo facilius, quae iam sanguinem intrarunt, inquinamenta in intestinorum canalem redibunt, vel naturae viribus domita alia via eiicientur, aut etiam tuto antiseptico apparatu corrigi poterunt.

Quousque autem praua colluuies primas vias inundat, eo vsque ab antisepticorum proprie sic dictorum, Corticis inprimis et mineralis acidi, vsu prorsus abstinendum est, quippe quae saburram, citissime euacuandam retineant, figant, et ita perpetuum largumque fontem alant, vnde semper noua inquinamenta auide ingurgitet fanguis. Et si summus quoque virium inter euacuandum Superueniat languor, tamen Corticem acidumque minerale abhorreas eorumque locum Valerianae et Serpentariae radicibus, sinapismis et similibus quae vires potenter excitent, malamque in primas vias vim non exferant, bene expleas.

Hac sub medela iniquum et dubium sane statum, sine maioribus succedentibus malis, sine maiore humorum labe, saepissime posse perferri, nullus dubito.

Quodsi autem perfecte purgato gastrico, systemate sublime abdomen subsederit, nil amplius emetica educant, nil amplius alui ductio emendet, clysmatibus non respondeatur; et tamen linguae color atrescens in atrum abierit, mentis turbae, somni inopia etc. continuent, tunc soli humores rei sunt, tunc ipsorum antisepticorum pro virium vitalium vario habitu, aut resrigerantium, vt tenuis mineralis acidi, et aluminis aut calesacientium, vt corticis, camphorae, vini etc. vsus tuto succedere poterit.

Quam rarissimam autem nostrae sebris, rite enim tractatae, in sanguineam putridam transitum fore, repetere vix sas est.

S. XXXVIII.

Diremto iam, quo modo dixi, malo consortio, eiecta bile quam sociabile morbi ingenium sibi adsciuit, hic sponte ad srugem redit,

redit, cum Scarlatina simplici iam nobis res est. Quid itaque nunc? Scarlatina simplex vt variolae vt morbilli benignissimum quid est, cito decurrit, periculo caret, solius naturae viribus obaudiens, ne noceatur, tantum requirit. Nisi itaque hanc nostram prauum consortium, populare temporis vitium, antea a miti suo ingenio detortam, efferatam reddidisset et exlegem, impune sane, vt olim Sydenhamvs, omnem opem in eo ponere possemus vt, ne inepta diaeta ineptoque regimine falutaria naturae conamina turbentur, prohibeamus. Hic autem pluribus opus est. Perniciosi, quos intus egit moleste hospitans morbus, cuniculi vim vitae nimium fregere. Non sibi ad incitas redacta natura sufficit vt perfecta crisi morbi reliquias, mites licet, eliminet. Excitanda itaque est, eique, quam ingredi debet, praesternenda via. Simulac itaque perfecte purgatae sunt primae viae, ad neruina, tonica, ventriculo amica, vt corroboretur laxa corporis compages: ad leniter diaphoretica, vt crisis quae semper sere per sudorem sit adiuuetur, est transeundum. Iam

amara (ea inprimis quae versus cutem leniter humores inclinant) cum ipsis diaphoreticis nupta: Trisolii itaque sibrini, Centaurei minoris aut Cardui benedicti in spiritu Mindereri soluta aut cum Roob Sambuci vel simili quo commixta. Hisce remediis, modo praegressa sit quae decet praeparatio, rarissime propositum non assequemur.

§. XXXIX.

Haec sunt quae primam et longe grauissimam curae partem absoluunt, quae scilicet malam sebris complicationem remouent, simplicisque iudicationem adiuuant.

lam autem diro hydropi obuiam eundum, qui tam mitissimam, quam periculosissimam illam, pro Angina maligna hucvsque venditatam, speciem Scarlatinae, (MARTEAV 1. c. p. 24. Levison p. 9. Hvx-HAM p. 107) saepissime excipere solet, et qui post hanc eo magis timendus erit, quo minus vires prostratae arti succurrent. Omnia itaque in eo, vt praecaueatur, sunt. Et hoc scopo, quo longius in corrigendis et

euacuandis primarum viarum fordibus progressi sumus, eo magis calidius regimen admittere, eo tutius talia leniter diaphoretica remedia quae saluis euacuationibus adhiberi queunt, vt Roob Sambuci, Sal ammoniacum, imprimis autem antimonialia euacuantibus interponere aut commiscere et denique desquammationis tempore tanquam summum remedium balneum tepidum administrare poterimus.

S. XL.

Descripta nunc sebris vt cuius longe maxima in hoc morbo ratio habenda est, quae conuenire videtur, medela: iam ad eius symptomata, maxime plerumque vrgentia, adeo vt vnum eorum pro ipso morbo haberi potuerit, transeo. Iam quidem innui, morbi si principio rite suerit obuiam itum, maximam illam symptomatum saeuitatem rarissime aut nunquam fortasse observatum iri; cum autem raro medico contingat principiis posse obstare, ideoque et raro mala haec rerum sacies prorsus prohiberi possit, de summo quoque eorum gradu agendum est.

S. XLI.

Symptomata anginosa.

Haec merito principis morbi satellitis agmen ducunt. Vniuerfalis semper iniectionum gargarismatum, collutoriorum et linimentorum ex irritantibus et antisepticis conflatorum, tam ad saniei effluxum promouen. dum, quam ad vlcera purificanda et confolidanda et gangraenae progressum coërcendum, vsus fuit. Sed non eadem in quouis morbi stadio adhibenda erunt. Quousque enim inflammatio durat, aut bona satis et superficialis tantum exulceratio adest, optime mere emollientia anodina, vt Cicutae, Hyosciami, Maluae et Althaeae decocta cum lacte conuenient. Simulac autem malam speciem prae se ferunt vlcera, crustaque gangraenosa obducuntur, ad omnia illa quae observatores laudarunt antiseptica irritantia, vt infusum Saluiae cum vini aceto, decoclum corticis peruuiani et florum rosarum rubrarum cum oxymelle, Myrrha, acido Vitrioli et Salis etc. tuto confugiendum erit. Camphoram immiscere imprimis Chomelius fuadet.

suadet. Multa quoque balnea vaporis quae HVXHAMVS imprimis ex floribus rosarum rubrarum et Chamomillae, Myrrha et Camphora in aceto vini coctis, inspirari vult, proficient. Simul et crustas crassiores (quarum scarificationem et abrosionem iam obferuatores dissuaferunt) solutione Myrrhae in oxymelle aut tinctura Myrrhae cum acido salis illinere et sic earum separationem promouere, postea autem partes sauciatas, integumentis denudatas et summe sensibiles firupo diacodion aut simili quo detergere oportebit. Reliquum quod faucium labes postulat, est vt quantum sieri potest saniei corrosiuae deglutitio praepediatur et ita omnia illa mala praecaueantur, quae hinc toties consecuta legimus.

Infantibus tenerioribus, vt qui ingesta facile et non sine maximo damno deglutire possent, difficillime administrandae erunt iniectiones: his itaque vlcera colluere crustasque illinere praestabit.

Externe durante inflammatorio stadio cataplasmata emollientia, linimentum volatile, forte et ipsae hirudines applicentur, deinde autem sinapismi vel si reliqua permittant, iam HVXHAMO auctore, vesicatoria toti collo circumdentur.

S. XLII.

Haemorrhagiae narium.

In has Venaesectiones nil posse, (quod optime Chomelius p. 10. sq. probat, qui eas post ipsam octauam sanguinis missionem perseuerare vidit) nec quid antiseptica posse, (quod omnes auctores probant hifce tam largiter vsi) tutissime testatur, eas, si post primum febris insultum continuent, aut a plethora capitis topica ob tumorem colli venas comprimentem, aut ab irritamento circa praecordia pendere. Optima hic itaque styptica erunt quae pro causae varietate aut colli tumorem discutiendo et circa collum sanguinem mittendo capitis plethoram minuunt, aut biliosi stimuli actionem solidorumque in eum reactionem, praeter alia iam S. XXXV. memorata remedia, imprimis cucurbitarum siccarum circa vmbilicum applicatione debilitant. Et his capitis frigidius regimen situsque elatior optime poterunt adiungi.

S. XLIII.

S. XLIII.

Meteorismus, vomitus enormis et diarrhoea.

Haecce tria eandem fere semper caussam agnoscunt, bilis, puta, acriorem stimulum et viuidam solidorum in eum reactionem. Corrigentibus itaque ac relaxantibus iam pluries memoratis, imprimis autem prauae irritantis materiei euacuationi optime cedent. Absint itaque Cortex et confectio cardiaca cum aëre fixo, quibus Iohnstone (1. c. p. 413.) rebellem ventriculum fraenare voluit: Absint Confectio Fracastorei, electuarium e Scordio, decoctum ligni Campech. Rhabarbarum tostum, nux moschata etc. quibus Fo-THERGILLIVS (p. 305.) et alii aluum componere iuslerunt. Diarrhoea si modica est, si cocta educit et alleuat, non turbetur: si minus, ei emulsione arabica moderari sufficiet.

Si autem ab acri leglutitae saniei stimulo indeque consecuta oesophagi, ventriculi et intestinorum erosione, tam vomitus quam alui sluxus pendeant, ne in demulcentibus solis vt sirupo diacodion et oleo amygdalarum vnica et dubia spes sit, valde vereor.

S. XLIV.

Affectus ner uo si.

Deliria, coma, spasmi et conuulsiones varii generis, tendinum subsultus, singultus, stranguria et similia a maiore nostri morbi gradu fere funt inseparabilia. Optime STOL-LIVS (Rat. med. T. II. p. 70.) ait: "nerui amicabile quid sunt et minime seditiosum nisi auctorem turbarum habeant in quem omni studio inquirere necesse est, quemue nos intra gastricum systema conclusum saepissime deprehendimus: eo inde deturbato, seditio filet". Auctorem turbarum et hic bilem esse, et emeto - catharfin turbas breui sedaturam esse, repetere nefas foret. Sufficiat itaque quasiuisse: anne, si seditionis auctorem illico posse subducere uon contingeret, eius effectus quibusdam quae neruis opitulantur et si. mul inimicum stimulum non acuunt, vt radice Valerianae, acido quodam minerali dulci, fortasse et Moscho, mitigare liceat; et vtrum, si caput imprimis afficeretur, cum SYDENHAMO (Sect. VI. cap. 2.) vesicatorium nuchae applicare praestet, an potius capitis plethoram quam colli glandularum intumeftumescentia mouit, topicis circa collum sanguinis euacuationibus minuere?

Haec sunt, quae morbi decursum imprimis terribilem reddunt. Iam itaque ad tristes eius reliquias transeo: et harum gravissima et periculosissima est

S. XLV.

Leucophleg matia.

Frequenter morbo superuenit, adeo vt PLENCICIVS eam tanquam secundum morbi stadium considerarit: grauiter instat adeo vt plurimi obseruatores prauum hunc morbi pedissequum magis quam ipsum morbum timuerint. Quam caussam agnoscat, quos prodromos mittat, nota funt. Pauca itaque solum de eius medela addenda sunt. MARTEAV (p. 109.) et LEVISON (pag. 15.) soli sunt, qui de ea (nostram seilicet Scarlatinae speciem excipiente) fermonem iniecerunt. Ille sqillitica imprimis et cremorem tartari: hic calomel et Rheum cum largo corticis peruuiani viu coniuncta adhiberi iubet. Nonne his bene quae suppressam transspirationem, vt mali caussam, resti

restituunt, praemitterentur? Optime sane frictiones siccas, balneum tepidum si modum nondum excedat tumor, et imprimis emeticum antimoniale vt quod non folum gastricum irritamentum denuo in ventriculum fortasse depositum euacuet, sed quoque omnes excretiones expediat et salutari totius corporis concussione resorptionem inundantium humorum valde adiuuet, conducere credo. Caeterum morbum potius diaphoreticis et diureticis, quibuscum, simulac maxima humorum pars euacuata fuerit, bene cortex peruvianus, amara et martialia coniungi poterunt, quam purgantibus, quippe quae causam morbi non tollant quin augeant, viresque deiectas, saltem si diutius continuata fuerint, prorsus prosternant, impugnandum esse persuasus sum.

S. XLVI.

Glandularum tumor et exulceratio.

Hic tumor ab irritamento miasmatis specifico et inflammationis, non autem cum Iohnstonio a resorpta et haesitante mala sanie deriuandus est; cum in leuissima quavis Scarlatina, vbi ne vestigium quidem exul-

cerationis deprehenditur, semper adsit, et semper fere cum reliquo morbo dispareat. Plerumque itaque nullam sui curam poscit: si autem post reliquum morbum remanet et scirrhum exhibet, tunc naturae eius resolutionem molienti succurrendum est; et hoc Hvx-HAMVS imprimis inunctione vnguenti mercurialis et interno calomellis vsu fieri vult.

Parotides interdum suppurant, non critice, vt nonnulli crediderunt. Attamen semper, quibus pro rerum varietate videbitur, aut emollientibus aut stimulantibus maturanda suppuratio erit.

S. XLVII.

Saepe quoque auditus aliorumque tam externorum quam internorum sensuum hebetudo, artus quasi a rheumate vel arthritide dolentes, et denique hectici quid morbo supersunt. Priora bina, vt omnes observatores innuunt, soli debilitati tribuenda sunt et suapte sensim abeunt simulac amissas vires laxum corpus recuperauerit. Affectus hectici duplicis originis sunt: pendent aut a debilitate et acrimonia Scarlatinosa superstite, aut a

grauiori quadam pulmonum siue intestinorum clade. Si prius, et hic remedia nutrientia, laxam corporis compagem corroborantia et omnes secretiones leniter adiuuantia breui salutem pollicentur: si posterius, sortasse nunquam curationis et rarissime diuturnioris solaminis capaces sunt, eandemque, quae ab aliis causis oriundi phthisici morbi, opem postulant, quare me non diutius morantor.

S. XLVIII.

Haec funt quae de Anginae sic dictae malignae mihi probabili aetiologia, eique conueniente medendi methodo, proponere volui. Me cuique, qui haec legerit, de mea theoria persuasisse, sperare nimium soret: sufficiet in rem tanti momenti modo secisse attentum. Si quis a symptomate prae ipso morbo eminente, nomen morbi seruare malit, mea causa licet; sed ne indicationes inde arripiat, opto. Nominet morbum Anginam scarlatinosam aut Scarlatinam anginosam, modo obliuiscatur praecepti illius observatorum, vtriusque morbi (vel nominis

potius) medelam toto debere coelo differre, modo agat quae natura et non quae nomen morbi postulat. Si secus, quantum ego video, omnibus suis aegrotis bene consulent qui cum Bickero et Witheringio Scarlatinam vident: male illi, qui cum Fothere gillio et Grantio malignitatem, putredinem clamant et corticem recipere iubent. Simulac autem quisquam mihi inter vtrumque morbum veram naturae diuersitatem subesse probauerit; simulac vtrumque falli nescia side me distinguere docuerit; grato animo ad victas dandas manus paratus ero.

THESES.

- I. Angina maligna est Symptoma Scarlatinae.
- II. Placet theoria Todii de veneni venerei et gonorrhoeici varia natura.
- III. Causa gangraenae proxima est vis vitae emortua; nullas itaque eius remotas causas, praeter quae vim vitae enecant, agnosco.
- IV. Icteri causa modo non semper in ductu cystico haeret.
- V. Hernia sie dicta humoralis vtique interdum veneni gonorrhoeici metastasin causam agnoscere videtur.
- VI. Praeparatio mercurialis instantibus variolis non semper proficit, quin saepe nocet.
- VII- Febres gastrico putridae vsum verorum antisepticorum nunquam admittunt.
- VIII. Mercurius venenum venereum neutralisatione chemica destruere videtur.
- IX. Putredo humorum causa sebrium putridarum proxima non est.
- X. Omnia profluuia mucosa eiusdem morbi quasi variae species sunt, et optime sub Leucorrhoearum nomine venire possent.
- XI. A purgantibus fortioribus in dysenteria prorsus abstinendum.



